

進二階八考上進三階叙

〔令義解四考課〕凡內外初位以上長上官計考前釐事不滿二百冊日分番不滿一百冊日若帳內資人不

滿二百日並不考略○中

凡帳內及資人每年本主量其行能功過立三等考第格勤不懈清廉稱主為上祇承合意謂祇者敬也承猶事也產業不怠為中好請私假數有愆失謂二事不相須若有一者亦為下其相折之法同分番條也為下

〔令集解十七選敘〕慶雲三年格帳內以六考為限職分資人亦同

〔續日本紀五元正〕和銅四年五月辛亥制帳內資人雖名入式部不在豫選之限既叙位者許之職分不在

此例唯聽帳內三分之一資人四分之一其雖叙位逗留方便違主失禮即追其位還之本貫若得他處位者不退焉或本主亡者不得豫選皆還本色但欲廻入者聽以外如令

〔續日本紀九元正〕養老六年閏四月乙丑太政官奏曰略○中望請陸奧按察使管內百姓庸調浸免略○中其

國授刀兵衛衛士及位子帳內資人并防閑仕丁采女仕女如此之類皆悉放還各從本色若有得考者以六年為叙一叙以後自依外考略○中奏可之

〔續日本紀十聖武〕神龜五年三月甲子勅補事業位分資人者依養老三年十二月七日格更無改張雖然

資人考選者廻聽待滿八考始選當色外位資人十考成選並任主情願通取散位勳位子及庶人簡試後請請後犯罪者披陳所司推問得實決杖一百追奪位記却還本色略○中餘依令

〔續日本後紀八仁明〕承和六年九月癸卯制選叙令帳內資人者並以八年為限神龜五年格外五位資人

十年成選自今而後外五位資人選限者宜依令行之唯神宮司禰宜祝國造外散位郡司及俘夷之類不在此限

留省資人

〔延喜式十八式部〕凡職分資人本主亡及以理去官者不限年數並聽留省若有復任者廻以舊人充之舊人若遷他色以新人充之